

## მოსკოვსა და ალმა-ათაში

26 მარტს გაიმართა ფეხბურთში სსრ კავშირის 49-ე ჩემპიონატის IV ტურის მატჩები. საქართველოს ორივე გუნდი კლავ სტუმრად თამაშობდა: თბილისის დინამოელები მოსკოვში შეხვედებიან ადგილობრივ „ტორპედოს“, ხოლო ქუთაისის ტორპედოელები – ალმა-ათის „ქაირათს“

თბილისელებმა საუკეთესოდ ჩაატარეს მატჩი მოსკოვში, „ტორპედოს“ სტადიონზე. ეს ორი გუნდი ტრადიციულად მუდამ საინტერესოდ, უშეღავათოდ თამაშობს ერთმანეთთან და გამონაკლისს არც 23 მარტის მატჩი წარმოადგენდა.

დინამოელებმა დიდი მონდომებით, აქტიურად, კოლექტიურად წარმართეს თამაში. მოსკოველები შეეცადნენ მინდვრის შუაგულში მოეპოვებინათ ტერიტორიული და სათამაშო უპირატესობა, მაგრამ სტუმრებმა სწორი გეგმა აირჩიეს: მათ შორის, გადაცემებით გაჰყავდათ მეტოქის კარის წინ სახიფათო თავდამსხმელები ჩელებადე და გაბაევი, ამავე დროს შეტევას დაუყოვნებლივ უერთდებოდნენ კაკილაშვილი, ჭეღია, გოგრიჭიანი...

პირველ წარმატებას თბილისელებმა შესვენებამდე მიაღწიეს. ერთ-ერთი მწვავე კონტრშეტევის დროს, რომელშიც რამდენიმე მოთამაშე მონაწილეობდა, ბურთი მიიღო ჩელებადემ და ძნელი მდგომარეობიდან, მოტრიალებით ზუსტად დაარტყა მიზანში – 1:0.

ტორპედოელებს თამაშის გეგმა არც მეორე ტაიმში შეუცვლიათ. ისინი კვლავ მინდვრის შუაგულში ცდილობდნენ უპირატესობის მოპოვებას. დინამოელები კი კვლავინდებურად უქმნიდნენ სახიფათო მომენტებს გაბაევსა და ჩელებადეს. ამ საინტერესო ტაქტიკურ ბრძოლაში თბილისელთა გეგმა უფრო გამართლებული, უფრო რეალური აღმოჩნდა, ამასთან სამელოდ მოქმედებდა გუნდის დაცვა, რომელსაც სათავეში გამოცდილი სულაქველიძე ედგა. მართალია, მოსკოველებსაც ჰქონდათ სახიფათო მომენტები, ძალზე ძნელი ბურთების მოგერიება მოუხდა გაბელიას, მაგრამ ერთ-ერთი მორიგი იერიშისას მარჯვენა ფრთიდან მონოდებული გადაცემა კარგად მიიღო ჩელებადემ და შეუჩერებლად გაგზავნა ბურთი მეკარე ხარინის კარში – 2:0.

დარჩენილ დროში გაბაევმა ახლო მანძილიდან კარს ზემოთ ააცილა ძლიერი დარტყმა, მატჩის დამთავრებამდე 5 წუთით ადრე კი შავლომ ძელს მოახვედრა ბურთი.

თბილისის „დინამომ“ ღირსეულად ჩაატარა ტურის ეს ძნელი შეხვედრა და მეტოქის მინდორზე მეტად საჭირო გამარჯვებას მიაღწია. კოლექტივმა, უდავოდ, მთელი შემადგენლობით ერთსულოვნად, თავგამოდებით და კვალიფიციურად ითამაშა.

**გუნდების შემადგენლობა:** „ტორპედო“: ხარინი, სოჩნოვი (გრიშინი), პიფცოვი, ვოსტენინი, შავეიკო, შავლო, ი. სავიჩევი, ნ. სავიჩევი, ბურიაკი (გრეჩნევი), პოლუკაროვი, რედკოუსი; „დინამო“ – გაბელია, კეტაშვილი, მიქაბერიძე, ჭეღია,

კუდინოვი, კაკილაშვილი, მახარაძე, სულაქველიძე, გოგრიჭიანი, გაზაფვი (ცაავა), ჩელეებაძე (მესხი). მსაჯი მ. სტუპარი (ივანო-ფრანკოვსკი). დუბლიორთა შეხვედრაც დინამოელთა გამარჯვებით დამთავრდა – 2:1. თბილისელთაგან ბურთები გაიტანეს ჯოხაძემ და გურულმა.

ლელო 26.03.1986